

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 24/15
Sarajevo, 02.04.2015. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE
ODRŽAN 02.04.2015. GODINE

Sjednica je održana u prostorijama Hotela Hollywood“ na Ilidži sa početkom u 13:00 sati

PRISUTNI ČLANOVI US FBiH: Božana Banduka, Vildana Helić, Šabić Mustafa, Stjepan Mikulić, Mirjana Dević, Zuhdija Čosić, Aladin Bajrić, Amra Muratbegović, Jozo Anđić Hakija Zajmović, Zdenka Filipović.

ODSUTNI ČLANOVI US FBiH: Jasmin Jahjaefendić (opravdano) Nedim Begić (opravdano) Muhamed Kovač (opravdano), Amir Ahmetspahić (opravdano), Aladin Bajrić (opravdano).

DNEVNI RED

1. Usvajanje zapisnika sa prethodne sjednice USFBiH (30.01.2015)
2. Zahtjev za pomoć ogranak Hercegovačko-neretvanskog kantona.
3. Prekršajno savjetovanje 2015.
4. Razno

Dnevni red usvojen bez primjedbi.

AD.1

Zapisnik sa sjednice Udruženja sudija/sudaca u FBiH koja je održana 30.01.2015. godine u Sarajevo je usvojen bez primjedbi.

AD.2

Na adresu USFBiH je zaprimljen zahtjev za pomoć po članu 51. statuta USFBiH od sutkinje Jogunović Šemsa, člana USFBiH iz Općinskog suda Mostar, ogranak HNK kantona. Nakon uvida u dostavljeni zahtjev i medicinsku dokumentaciju članovi USFBiH su odobrili pomoć za sutkinju Jogunović Šemsa po čl. 51 Statuta USFBiH i pravilnika USFBiH broj 64/12, u iznosu od 1000,00 (hiljadu) KM.

AD 3.

Članica predsjedništva Udruženja g-đa Vildana Helić, je iznijela svoj izvještaj povodom aktivnosti oko organizovanja prekršajnog savjetovanja 2015. godine. Savjetovanje je odgođeno radi nedostatka vremena oko organizacije savjetovanja. Vršiti se usaglašavanja koje će udruženje sudija biti nositelj tog savjetovanja. Rukovodioci organizacije savjetovanja će biti prisutni na sastanku organizacionog odbora krivičnog savjetovanja Neum 2015 koji će se održati 20.04.2015. godine u Banja Luci te će iznijeti svoj plan povodom aktivnosti oko organizacije prekršajnog savjetovanja. Ostali članovi predsjedništva su primili na znanje informacije oko organizacije savjetovanja i podržali napore povodom organizacije savjetovanja.

AD 4.

Razno:

1. Predsjednica Udruženja je upoznala članove predsjedništva da je dan prije sjednice došao dopis od sutkinje Općinskog suda u Mostaru g-đe Ivane Soldić u kojem se moli tumačenje odredbi Kriterija za ocjenu rada sudaca u Bosni i Hercegovini br. 06-08-4148/2012 od 28.11.2012. godine koji se odnose na odsutstvo sudca povodom porodiljnog dopusta. Članovi predsjedništva su pročitali i razmatrali dopis sutkinje i nakon usaglašavanja donijeli su zaključak da se uputi dopis VSTV-u BiH u kojem se traži:

„Inicijativa za izmjenu člana 4. Kriterija za ocjenu rada sudaca u Bosni i Hercegovini br. 06-08-4148/2012 od 28.11.2012. godine

Prijedlog:

Član 4.

(1) Sudac neće biti ocijenjen ukoliko je tijekom perioda ocjenjivanja na obavljanju funkcije proveo manje od jedne polovine perioda ocjenjivanja.

*(2) U vrijeme obavljanja funkcije iz stavka 1. ovog člana neće se računati vrijeme provedeno na bolovanju, **porodiljskom odsustvu i drugim odsustvima** ili drugom trajnom odsustvu.“*

2. Predsjednica Udruženja je upoznala članove predsjedništva sa inicijativom sudca Ekrema Šarića oko organizovanja zajedničkog druženja svih članova Udruženja. Sudac predlaže da se druženja koja organizuju ogranci svaki zasebno udruže i da se organizuje jedno zajedničko druženje za sve članove udruženja.

„Predsjedništvo podržava inicijativu da se organizuje zajedničko druženje članova USFBiH polovinom septembra. Da se finansira od sredstava koja pripadaju ograncima USFBiH (50% članarine da se sva sredstva svih ogranaka udruže). Prijedlog da godišnje okupljanje traje 2 dana te da se do slijedeće sjednice predsjedništva izvrše analize i pripreme oko organizacije druženja. Da se uputi dopis ograncima da razmotre i podrže inicijativu. O ovoj inicijativi mole se ogranci da se izjasne do naredne sjednice predsjedništva Udruženja.“

3. Član predsjedništva udruženja g-din Aladin Bajrić je uputio dopis predsjedništvu da se razmatra „Dopuna Kodeksa sudske etike“ koji je na sjednici VSTV-a 12.02.2015. godine usvojilo „Kodeks o dopuni kodeksa sudačke etike“. G-din Aladin Bajrić se izvinjava što ne može prisustvovati sjednici predsjedništva jer je spriječen zbog prehlade.

Nakon razmatranja dopisa koje je uputio članovi predsjedništva su podržali razmatranja člana predsjedništva Aladina Bajrića i njegovog ogranka i donijeli zaključak da se uputi dopis VSTV-u da se traži pojašnjenje dopune Kodeksa sudske etike koji glasi:

„VSTV je na sjednici održanoj 12.02.2015.godine usvojilo "Kodeks o dopuni kodeksa sudačke etike" kojim se iza tačke 4.3. dodaje tačka 4.4. koja glasi:

" Sudac ne smije ispoljavati bilo kakvu vjersku, političku, nacionalnu ili drugu pripadnost za vrijeme vršenja sudačkih dužnosti"

Članovi predsjedništva Udruženja smatraju da je ova odredba Kodeksa dosta nejasne i uopštene pa smatramo da bi se od VSTV-a trebalo zatražiti njihovo detaljno objašnjenje u smislu šta se to podrazumijeva pod izrazom "ispoljavati" (npr. nošenje nekih oznaka pripadnosti, oblačenje, odlazak u vjerske objekte radi obavljanja vjerskih obreda i sl.) kao i to da li termin "za vrijeme vršenja sudačkih dužnosti" podrazumijeva vrijeme provedeno tokom dana na radu u sudu ili uopšte vrijeme dok sudiji traje mandat, jer ako je to za vrijeme rada u sudu onda bi to značilo da se vjerska, politička, nacionalna ili druga pripadnost može ispoljavati u popodnevnim satima i vikendima ili u suprotnom to bi značilo da za vrijeme trajanja mandata sudije nikako ne bi smjele ispoljavati navedene vrste pripadnosti.

Nadalje, ova dopuna je izvršena u Kodeksu o sudačkoj etici, a koliko nam je poznato nije u Kodeksu o tužilačkoj etici koji je gotovo identičan našem Kodeksu.

Također, ističemo da je materija pod nazivom "oznaka pripadnosti" s malim terminološkim razlikama već regulisana odredbom člana 13. stav 1. Zakona o sudovima F BiH, člana 13. stav 1. Zakon o sudovima RS-a, člana 7. stav 1. Zakona o tužilaštvu BiH i člana 8. Zakona u sudu BiH.“

4. Predsjednica Udruženja je upoznala članove predsjedništva sa organizacijskim aktivnostima povodom Savjetovanje Neum 2015. a gdje je naše udruženje nositelj organizacije savjetovanja. Predsjednica je upoznala da je za 3. dan savjetovanja na sastanku organizacionog odbora odlučeno da se raspravlja o položaj pravosuđa u društvu te je izrazila svoj stav da bi bilo dobro da se sastanku sva strukovna udruženja sudaca u BiH i da naprave zajedničke zaključke koje će se pročitati na savjetovanju povodom ove teme.

Predsjedništvo udruženja podržava inicijativu da se sastanu sva predsjedništva strukovnih Udruženja i da donesu zajedničke zaključci

koji bih se izložili na trećem danu savjetovanja Neum 2015. povodom teme položaj pravosuđa u društvu.

Sastanak je okončana u 14:30 sati

**Predsjednica Udruženja
sudija/sudaca u FBiH
Božana Banduka**